

JUSTI FONTANINI  
FOROJULIENSIS

IN ROMANO ARCHIGYMNASIO  
Publici Eloquentiae Professoris

DE USU ET PRAESTANTIA  
BONARUM LITERARUM

O R A T I O


Habita in eodem Archigymnasio  
iv. Idus Decembres MDCCIV.



ROMÆ MDCCIV

Per Franciscum Gonzagam in area Sancti Marcelli  
ad viam Curfus

*EX PRÆSIDUM PERMISSU.*



SANCTISSIMO ET MAXIMO  
PONTIFICI  
CLEMENTI XI.

JUSTUS FONTANINUS FELICITATEM.



Ubi primum divinitus  
factum est, SANCTISSIME idemque  
sapientissime CLEMENS, ut ad

istud dignitatis culmen, quo nihil  
augustius & sublimius in terris ex-  
cogitari potest, uno omnium ore  
& omnium calculis, praeterquam  
tuo, probatus ascenderes; antiquus  
animus rediit liberalibus discipli-  
nis & ingenuis artibus, quae omni  
aetate, atque omni fortuna suavif-  
simae comites, & perhonorificae  
altrices tuae, saluberrimis praece-  
ptis animum & mentem ad om-  
nem laudem tibi efformaverant;  
semper tibi praeclara & egregia  
cupienti per semitam paucorum  
ante vestigiis notatam quasi facem  
praeferentes; ut eum vitae cursum  
teneres, unde nullus error avertere,  
neque ulla te ad recta & honesta

adspirantem morari posset offensio.  
Hinc tu, OPTIME PONTIFEX, quantum  
tristissima temporum facies, divi-  
nique muneris tui incredibiles cu-  
rae permittunt, ad benemeren-  
tes de te literas persaepe animum  
confers, illasque satis inopiam &  
solitudinem passas, atque negle-  
ctas, in tua tandem beneficentia ni-  
xas felicissime conquiescere etiam  
atque etiam laetaris. Atque hac  
profecto causae jure & merito  
postulassent, ut Oratio haec, qua  
nudiustertius in frequenti gravis-  
simorum hominum conventu de  
usu & praestantia bonarum litera-  
rum, te auctore & auspice differe-  
bam, in tuo nomine, apud infini-

tam saeculorum memoriam celebrando, appareret; nisi hoc qualicumque munusculo, quod statim ab eximiis beneficiis per te honorifice in me collatis, primum mihi se obtulit, quantum tibi debeam quod liberalitate vere Pontificia ultro me cumulaveris, palam testatum facere voluissem. Quum autem placida illa & jucunda animi tui magnitudo, in excipienda hac mea tenui vigilia possit obscuram per se lucubrationem penitus illustrare; hoc si mihi contigerit, ad praestantiora pro virili excolenda fiam alacrior, atque omnia quae summa sunt, me consequutum putabo.

# ORATIO.



U M res universae ita a natura fuerint comparatae, EMINENTISSIMI PATRES, vosque ceteri Illustrissimi, & ornatissimi Auditores, ut suae perfectionis studio singulae afficiantur; atque illuc, tanquam plena & absoluta beatitudine cumulandae, omnes actus

suos dirigant; mirum non est, si quos tanto impetu & secreta quadam naturae vi raptos aliquando conspiciamus, ut toto pectore, atque omnibus mentis & ingenii praesidiis ad eandem perfectionem animo complectendam incumbere videantur: quae sane perfectio in homine rationis compote aliud non est quam scire & cognoscere. Quippe rerum cognitione a brutis sejuncti, rebus coelestibus, divinisque substantiis perquam similes reddimur, ceteris mortalibus tantum antecellentes, quantum isti animantibus. Quia vero & animo, & corpore natura constare nos voluit, duplex nobis itidem tradidit instrumentum quo ad tantae felicitatis metam perveniremus, linguam nempe, & cogitationem; munus profecto maximum, egregium, nobisque longe dignissimum. Altera enim penitiores disciplinarum fontes attingimus, & ingenuis artibus doctrinisque praestare edocti, abditas rerum causas, ipsamque naturam mente comprehendimus. Altera vero ea quae didicimus monumentis aere perennioribus ad seros

nepotes transmissa, in publicam utilitatem, & ante actae vitae nostrae testimonium convertimus. Ex quo luculentissime apparet, unam ab altera avulsam nostrae felicitati nullas suppetias adferre; & linguam per se solam haud amplius quam sine lingua cogitationem posse ad agendum incitari.

Quod quidem mihi semper animo illud infixit, rerum cognitionem ab eloquentiae contubernio dissociatam vix, ac ne vix unquam posse consistere; & prorsus eodem pacto istam ab illa neutiquam esse dividendam. Hocque ego non solum in oratoria facultate, sed potissimum in ceteris artibus usuvenire memoria repetens; & non modicam hominum partem hinc negotiis civilibus, hinc domesticis & familiaribus curis; hinc aliis, atque aliis rebus distractos, & impeditos, in hoc uno errore versari animadvertens, ut eloquentiae & humanitatis studia, tanquam merces communes & proletarias, omnique pretio interiori destitutas parvipendere non vereantur; consilium, quod in meo pectore jamdiu latuit, tandem expromere statui, & quid contra ego sentiam, in vestro amplissimo confessu aperire.

Verumenimvero quemadmodum pictores imaginem adpectu elegantem mortalium oculis exhibituros, necesse est in animo sibi fingere simplex idolum; & nudam, puramque ejus rei similitudinem, quam alienis sensibus subiiciendam sibi proponunt: haud secus arbitror illis, qui mansuetiores Musas ab eloquentia nuncupatas non invita laude excolere satagunt, omnem vim, & perfectionem earum rerum tenendam, de quibus



bus disceptare, & differere cogitant: cujus quidem perfectionis imaginem aure metimur, sicut oculo eam, quam pictor expressit. Quis autem non videt, has esse simplices illas & corpore abstractas formas, quas Philosophorum omnium doctissimus, idemque eloquentissimus Plato ideas appellare consuevit, nempe exemplarum omnium, quae natura, vel arte fiunt: circa quas sine dubio, veluti ad intima Philosophiae penetralia eloquentiam habitare cognovimus? Quotus enim quisque est, qui gravium, & elegantium sententiarum pondere, quae nonnisi a Philosophorum penu trahuntur, eam quodammodo animari, & illustrari nesciat; unde oratio quasi nutrimentum mutuata, praeceptis, & rebus locupletissime instructa, duplicem dotem importat, utilitatem, & delectationem, semper ab ingenii monumentis ingerendam ubi de natura rerum, de affectibus, & moribus hominum gravi & eximia dicendi facultate disputatur. Quare in ea, in qua dudum fui permaneo sententia, quod sapientissimus Plato omnibus Graeciae Oratoribus Periclem non alia de causa antistare persuasum habuerit, quam quod studuisset Anaxagorae, a quo illum multa didicisse memoravit, nempe facundiam, atque artem audientium animos movendi & temperandi: quod itidem saepius de Demosthene Cicero affirmat, quia Platone magistro usus fuit: atque hoc idem de ipsomet Cicerone jure maximo dicendum erit, utpote qui non solum reconditas Philosophiae latebras penetravit, verum & de illa distincte & enucleate, ut Ciceronem decebat, plurima scripsit.

Sed

Sed quid eloquar de ea, quam mox attigi, natura rerum, cujus scientia uberrimam & prope infinitam dicendi copiam suppeditat? quid de officiis ad liberum hominem spectantibus? quid de moribus? quid de prisca religione ceterisque quamplurimis ab inexhausto Philosophiae fonte derivatis: quorum cognitio quanti interfit ad firmandam & multiplicandam veri Numinis reverentiam, norunt potissimum antiqui & recentes Christiani Scriptores; qui ampla harum rerum supellectile ornatu & profanis Gentilium nugis larvam detrudere, & desipientium haereticorum oculos configere, nullo negotio potuerunt, ut Clemens Alexandrinus, Origenes, Tertullianus, Eusebius, Lactantius, Arnobius: & nostra & Patrum memoria literatorum antistites, qui aeternam famam ingenio suo condiderunt, Hieronymus Mutius, Sixtus Senensis, Jacobus Peronius, Robertus Bellarminus, Dionysius Petavius: qui omnes in scribendo acerrimi & copiosissimi, arte quam critice vocant, quaeque nonnisi post jugem & longam rebus percipiendis navatam operam acquiritur; de sensu, aetate, & scriptis veterum Patrum, graviter, nec minus quam rei magnitudo postulare videbatur, sententiam ferentes, omnem Sectariis se & alios fallendi locum ademerunt. Quales vero quantique usus arti criticae insint & aliis praeclarissimis disciplinis communes, & eidem proprii, quis nisi ab elegantioribus literis omnino alienus ignorat? Profecto utilitas omnis, quae ex historiae cognitione, adeoque ex universo liberalium studiorum apparatu percipitur, illi uni in primis debet adscribi; quoniam hac duce & auspice  
omnis

omnis ejusdem peritia comparatur. Ea est verae & non fucatae, aut falsae eloquentiae fundamentum. Illius beneficio inanium verborum fallacias improvida ingenia ludificantes detegimus; adulterinos foetus discernimus; & loca veterum vel fraude, vel inscitia depravata integramus. Historiae quidem ope cognoscimus initia humani generis, quae nos ad ipsius rerum omnium auctoris cognitionem veluti manu ducunt: cognoscimus opiniones, consuetudines, & ritus populorum, quae ad bene beateque vivendum mirifice conferunt: cognoscimus eventus & mutationes Regnorum, quae nos cautiores & meliores efficiunt; sed nemo facile assequi haec poterit, nisi improbo examine tempora & loca perpenderit, varietatem opinionum non perfunctorie discussit, omnia demum inter se collata critica face exploraverit.

Hanc porro criticam artem, quae non solum genuinae verborum significationi rimandae; sed ipsi rerum veritati altius indagandae immoratur, heu nimis longa saeculorum infelicitate intermortuam, avorum tandem aetate, quum Cimmerica ignorantiae nox pene ubique incubaret, ad vitam postliminio revocavit Romanae nobilitatis atque Italici nominis splendor & ornamentum insigne Laurentius Valla; licet tamen alicubi ingenio suo nimis indulserit. Hujus exemplo subinde celeberrimis veterum scriptis per doctissimos viros emaculatis, criticen ad meliorem usum postea traduxit magnus Ecclesiasticae Historiae reparator dum Annales auro contra aestimandos veluti umbonem Heterodoxorum furiis & commentis opposuit; unde innu-

meri

meri Scriptores in eadem palæstra exercitati prodierunt, qui veterum Patrum & Ecclesiæ monumenta omni apocryphorum labe purgata, & nitidissime expressa, publici juris fecerunt. At longe faceffat impudentium ingeniorum libido, quæ nuper æquis legibus florentem literariam Rempublicam procaci libertate miscuerunt, arte hac præstantissima in prævum & perversum usum detorta, dum juxta divina atque humana sursum, & deorsum volvendo, eam, quæ ad recte judicandum, & differendum maximo disciplinarum bono adoleverat, in earundem perniciem & pestem consilio præpostero immutarunt, sicut de falsis, ita etiam de veris, & de quibus religio est dubitare, incredibili quadam audacia, & more sceptico disputando.

Et vero studia hæc literarum vel ipsi religioni quanto sint adjumento & splendori olim declararunt sacratissimi homines Basilii & Nazianzenus, Hieronymus & Augustinus, qui licet Deo pleni, interioribus tamen disciplinis operam sibi esse dandam duxerunt quo majori comitatu ad rerum coelestium cognitionem ascenderent. Plerique etiam in delectu & structura verborum, in quibus præcipua dicendi laus est, ad orationem ornandam & poliendam magnopere vigilarunt, illud probe animo tenentes nec divinarum, neque humanarum rerum scientiam pro dignitate munus tueri suum, nec satis uberes fructus producere posse, nisi optimo dicendi genere illustrata; cujus subsidio rationes & argumenta in bono lumine collocata majorem vim capiunt, animi nostri sensus perspicue explicantur, ipsaque mens vulgarium opinionum præjudiciis exuta,

&c

& ductilior ad recte cogitandum reddita, in officio suo magis apposite fungendo perficitur.

Verum sicut eloquentiae dignitatem tot tantisque bonis ab illa productis in excelsa & illustri honoris & laudis fastigio positam intuemur; utinam ita & mala quae olim ejus deplorandum exilium subsequuta sunt, eam quoque satis superque non commendarent! Infelicissima illa sequioris aevi calamitate ob bonarum literarum & eloquentiae ingentem cladem ab indoctis illis & rudibus saeculis acceptam, quae a ceterarum artium ruina incredibili separari non potuit; optimi auctores quisquiliarum loco habiti, sacrationes doctrinae, religionis & Patrum scita lacrymabiliter jacuerunt. Tunc Sophistarum & nebulonum captiosae artes ad fallendos animos invectae; improbi mores quaquaversum, & ritus profani patuerunt. Tunc Historia veritatis magistra fabulosis narrationibus & ineptiis foedata, donec tandem post nongentos & amplius annos quasi de coelo lapsus Petrus Bembus, in vestrum deinde supremum ordinem cooptatus, EMINENTISSIMI PATRES, in tam densa erroris & inscitiae caligine, ad veterum Scriptorum faciem in hac Urbe aeterna primus omnium felicissime respexit; primusque ab hominibus impetravit, ut ad eorundem Scriptorum dicendi formam digitum intenderent, eandemque veluti exemplum animo & cogitatione comprehenderent. Hoc quidem Bembi documento quantum rei literariae & latini sermonis pretium & majestas creverit, nemini difficile est noscere, si pridem scripta cum illius aevi lucubrationibus conferantur. Ex illo tempore scribendis Pontificiis epistolis,

stolis, quibus nil gravius aut sanctius, viri eloquentissimi admoti, Bembus, Sadoletus, Blosius, & qui jure nobis est memorandus popularis noster Romulus Amafacus, cujus studio & industria Pausaniam elegantius Latine quam Graece loquentem suspicimus: quiqua Pontificiam operam conjunxit cum munere literas politiores enarrandi ex hoc loco, quem nos PONTIFICIS vere MAXIMI beneficentia, immerito licet, implemus. Exinde in alienas gentes ab Italicis viris migrationes literarum coeptae propagari: jurisprudentiae, philosophiae, & medicae artis facultates per Andream Alciatum, Franciscum Patricium juniorem & Bartholomaeum Eustachium, gemina hujus nostrae Academiae lumina, e barbaris nugatorum manibus ereptae puriorem lucem viderunt: quas nostra haec aetas longe eruditissima ad summum culmen deinde perduxit. Quocirca ex illis ipsis temporibus non una duntaxat Italia, Provinciarum omnium Regina; sed Hispania, Gallia, Germania, Pannonia etiam, Sarmatia, & Anglia multiplici doctrinarum cognitione, & linguae latinae ubertate & splendore Urbis Romae saeculis eruditione clarissimis se prope adaequarunt, ut nostratium plurima eaque luculentissima, & exterorum non modica scripta testantur, quae omnis postera aetas perpetuo admirabitur.

Nulla est ergo, Auditores, praestantissimarum artium & disciplinarum, quae partim ad vitae usum, partim ad animi oblectamentum & bonum sunt necessariae; nulla philosophiae, qua nihil admirabilius a Deo mortalibus datum est; nulla juris divini aut humani;

mani; nulla religionis & pietatis cognitio, cui mitiores literae multum virtutis & majestatis non impertiantur: parum enim fuisset artes invenire, nisi luce orationis accedente & res memoria dignissimae a majoribus nostris notitia comprehensae, per disertissimos viros non modo a situ & squalore vindicatae, sed in dies auctae & excultae ad nos pervenissent. Quod quum ita sit, & omnium ferme eruditorum consensu, Latini homines optima quaeque & emunctissima cujuscunque disciplinae monumenta reliquerint; nos pro virili ex munere nobis injuncto dabimus operam, ut dictionum & rerum, quibus eadem coalescunt, ratione perpensa, hinc Poetica, hinc Historica, & Oratoria facultate praestantium auctorum cognitionem nobis atque scientiam vindicemus: modo ex intimis illorum sententiis Romani sermonis artem & perfectionem deductam enarrando, & loca vexata, & controversa explicando, & ad concordiam redigendo: modo qui in hoc imperii & gloriae domicilio ritus, mores, & leges olim floruerint indicando: quae omnia ad latinae facundiae thesauros, non levi duntaxat verborum sonitu strepentes, sed ipso rerum pretio conflatos, ex iisdem scriptis eruendos, ut opinio mea fert, planam & facilem viam sternunt.

Sed cur video omnium vestrum in me vultus & oculos admiratione converti, Auditores? Anne quod Romanam juventutem ad eloquentiae & bonarum artium studia capeffenda, ut in majorum vestigia incurrat, ipse oratione minime inflammans, pene discessem? Ergone mortalium quis reperitur, cujus animo  
non

non obversetur CLEMENS UNDECIMUS PONTIFEX  
immortalitate dignissimus, idemque eruditorum Prin-  
ceps, quem virtutum & doctrinarum omnium chorus  
adeo supra rerum humanarum conditionem evexit, ut  
ad impellendas omnium mentes ad studia literarum  
ipse unus exemplo suo facundissimus Orator sufficiat?  
Illum illum aspiciate, quem in gravissimis de salute  
omnium gentium curis occupatum tantus diu noctu-  
que scientiarum ardor incendit; ut nihil antiquius  
habeat, quam ut earundem cultores munificentia  
complectatur & foveat; nihilque eidem optatius oc-  
currit, quam ut hoc celeberrimum & florentissimum  
Archigymnasium frequentia & splendore nulli omnino  
terrarum concedat: DIXI.